

中國方志叢書·華中地方·第七九一號

據

清·張興言等修，謝煌等纂
清同治十年刊本

影印

江 西 省

宜黃縣志

(七)

成文出版社有限公司印行

百花塔記

國朝黃士光

百花塔與昔之太和院塔一也特建在城中與城外似有異耳考宜之縣治縣庠宅山俱來自兌而庠宮正作乾山巽向塔爲文筆宜立巽巳之上此形家之言卽事理之準也太和院塔建自宋高宗紹興壬戌由壬戌至寧宗嘉定戊辰凡六十八年其中登進士者相繼不絕無何塔漸圯自戊辰以後闕四科而奏名春官者寂無聞咸以爲文筆未聳相率規復其舊壬午甫成塔而癸未南宮之捷得三人焉咸又曰文筆之應如是其速也

事在朱侍郎續建記中。歷癸未以後登進士者又相繼不絕也。元末所在寇起，是塔從兵火中去，遺址不可復考。相傳在今南山廟左。洪武二年，邑令許大明以其廢地易民居，而廣縣治。自後愈不得而考矣。萬曆三十七年己酉，定海洪公應科來任。吾宜洪公精於形勝，家言謂學宮必有文峯相對，其有關於學也者，卽其有關於縣治者也。合建塔於巽巳間，以表著文明之象，儼以太和舊事。陳諸公公曰：不然。峯以遠秀，當建之遠而地高者。一峯插雲，則氣象萬千。時鳴和鄧君以丙午舉於鄉。

獨贊公所議而倡其役焉就附東洲上建塔一座八面
七級高十三丈正對學宮名之曰百花塔會費二千三
百有奇蓋公捐俸率先諸士踵後合邑樂輸而成又其
時物力不甚艱且公是在心無貳其適故不復滋築舍
之議起已酉冬落成於辛亥之夏而鳴和鄧君遂以丙
辰占麟經第一人蓋其應也邇已酉至今垂六十載當
亦如紹興至戊辰之後將有鼎新之勢然而新其制豈
能易其地哉庚子辛丑之歲邑令以草芥視士觸其威
者輒中以奇獄塔之上級遽爾傾頽士氣不振文運之

衰徵也天其戒之乎乃至今未有修復之者浮圖合尖
誰爲引手雖彫敝之餘鉅任弗勝然爲人文計寧無望
於當事者哉夫太和院宜從改易者也百花塔宜從修
復者也邑之形勢固有一定而不可移者若乃胸無成
見妄談風水逞後輩之好異指前人爲木工所謂棄蘇
合而取螭螂之智不足當老成之一噓矣有志者毋使
鄧君專美於前可也

許稟友先生去思碑記

國朝黃士光

世道所不可少之人卽人心所不能忘之人古有爲其
不可少者因有爲其不能忘者播之聲歌壽之金石豈
阿所好哉感於心者篤於義不獨古有然也若我稟翁
許先生則眞所謂不可少者宜其有不能忘焉者也先
生以蟬聯鼎族譽滿詞林代有哲人後先輝映匡廬彭
蠡之秀若特有所鍾焉年方壯足跡已半天下所交皆
海內知名士白雪肝腸青雲意氣洵不愧人倫師表者
矣自戊戌之春分鐸宜庠甫受事卽自念曰職不論崇

卑隨身所歷皆有功業卿棘公槐何嘗不自鱸堂升也
顧吾所得爲者惟扶掖士類爲兢兢於是標格言攄閱
論崇實課以文章氣節爲諸士勉暇則賦詩飲酒師弟
之間歡如也乃吾宜邇年以來士亦困阨甚矣原其故
則以邑令奇僻疾士若仇引吏胥而置膝擠章縫以墜
淵於是爪牙附翼鬼蜮含沙鍛鍊周內宮牆不庇而鉗
網四張遂有不得不寄生於五蠹六蝎之門而乞恩於
顯官弄兒之手者以至矜士怨憤咸相戒以不必讀書
則有素封之子挾貲而遊大僚之廨其或薄植之家亦

傾囊而營各屬之員若乃單門寒素資身無具者寧混迹漁樵不復以列在士林爲幸若然不幾令賢官無一士而胸臆不得行者盡捲堂去耶幸而未也則幸而有蘇翁先生扶掖之也先生固自命豪俠者義衷相激不平則鳴嘗面折當事矣其言曰

今天子隆儒重學諸上臺加意入文士卽不幸偶罹於咎亦宜寬之以俟其自新豈屬在無辜而輕以徇一己之惡也且士縱弗類何至府史胥徒之不若而聽其媒孽爲督學文宗其忍以弟子員而恕置之也當事爲之

稍戢而諸黨之借氣作焰者亦惕然有自焚之懼焉其
間已文致之而得減者若而人將戮辱之而獲免者若
而人株連得釋者又若而人宜之多士先生實再造之
然則世道何可少先生也今日之宜之士何可忘先生
也而且修

聖宮則捐俸繕城池則捐俸凡夫有裨於宜邑者力所
不必至而心無不至焉則夫維持風教之任諸生之所
望於先生方殷殷而未有已也今者尊人之計音遽至
先生遂不復爲宜人留惜哉夫眷注人才以作興學校

師道之重也事之一日而戴之終身弟子之義也。雖
德無涯寧報稱於萬一者猶或後哉爰礱石爲碑以垂
永遠屬予文之予與先生俱受知於文宗趙初庵先生
及門服教無貳所指攬轡登車心所同也而予先以母
艱未果北行先生雖寄跡寒毡風雲有待然釋此而歸
讀禮之餘正遂其三年飛鳴之勢他日顯功大名將處
處繫人深思何獨今日之宜士乎余心遜先生才高先
生誼幸而親炙之有日矣雖摘辭不工然自信其言之
無諛或有當焉亦以志予清風朗月之懷云爾先生諱

趙兼字和庵號兼友南康之都昌人

重建宜黃縣治記

國朝 尤稗章

今天子卽位之六年八荒在宥聲教覃敷修廢舉墜無
違弗振無微弗彰蓋已隆邳嶽盛啟後承先而臣稗章
承乏茲邑將屆七期惟兢兢隕墜是懼縣治建置已久
戊子之歲罹於兵燹凡堂署贊房一木一石慨屬燼灰
氏礫令下車時咸賃民居二十載於茲矣然憲治恒於
斯折獄恒於斯催科撫字恒於斯顧瞻舊址心焉傷之
第經明季寇掠之後瘡痍益深而徵發期會刻日告竣
之令晨夕交馳官長之心膽與小民之神情怛怛如涉

巨川罔知攸濟則亦有所不遑問而余又不幸經前人
盡極之餘掇弊補偏賠累不貲余手拮据而口卒瘁真
有風聲鶴唳皆驚無暇休沐且飯者故亦不能問所以
三四年間目極茂草心切周道欲焦金相受而有所不
忍欲經營締構而有所未周俟之而已迨乙巳歲臘月
二三紳士鄉耆有合詞請及此者余曰此余素心也特
數年來補塞罅漏極力支拄之未能而諸君子又疲頓
勞苦之可念也不然今

聖天子率作興事寰宇維新宜雖叢爾萬山中咸具臣

誼倘布政敷治未彰厥居亦何以臻上理而稱牧民之
體與於是紳士等合詞而前曰此固某等之素心也特
以年來未之及也今惠我無私噢咻而康乂之矣其可
成者一徵發期會雖窮鄉遐陬咸沐膏雨非大不獲已
未有多逋爲君子累者其可成者二而自公下車訖於
今日瓜期已再鼎新未逮所云民氣和樂以躋公堂而
獻觥者安在也其必成者三成之此其時矣乃經始於
乙巳臘月迨丁未臘月告成其堂宇幹築多貿舊而新
之用買價至六百餘兩從其質也雖費不告匱其杉木

竹石瓦甃灰鐵赤堊諸務用錢至五十六萬三千有奇
皆出諸俸餘從其志也用工至一萬七千五百有奇而
酬其勞者費三倍之役雖淹時從其寬也故役不告勞
而公署自勝國初皆南向厯二百年至萬厯初廖令易
而東之遂罹焚燬今僉曰宜如舊故向以乾巽案用器
械枕鳳凰枕石諸山昭舊蹟也縣前有縣門有儀門有
正堂堂有兩傍爲吏書六房儀門之外有延賓館有福
德祠正堂之旁有贊政廳有公廨所川堂之旁庫居左
架閣居右進此有退食後堂堂有轉門邊有兩廡有兩

房再進爲內衙衙之爲廳一爲軒一爲房凡大小十有八而西畔有小書房縱橫不等東畔有樓有亭書齋一所可爲憩息嗚呼備之矣向也頽垣殘瓦倏爲峻宇聳飛向也沙灰燼餘倏爲崇墉丹雘去湫隘爲壯觀易賃宅爲衙署非諸君子役而忘勞曷能及此此非特余之志爾民之志凡以代

天子布令開誠作民日新之志又以貽後之令此者知所繇觀厥成也工旣竣因與士紳鄉耆共落而序之以見余之拙而賴士民相與有成者也至其設縣之起訖

及興廢之故事與山川雲物之勝有志在余不復詳
是役也經始倡構則閩邑鄉宦孝廉貢庠已同勒貞珉
至其朝夕督理之耆民等皆趨事惟勤共底於成例應
得書者也附列于左

鄉耆

黃玉液

邑比人

周宗俊

邑比人

汪宗翼

邑比人

劉伯兆

邑東人

邱天育

邑比人

劉君倫

邑東人

許世勲

邑比人

黃文鐸

邑比人

廖如衡

邑西人

吳應文

邑南人

黃宗堯

邑東人

熊以吉

邑比人

周士勲

邑東人

王應葵

邑南人